



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**B. Haymonis, Episcopi Ante DCCC. Circiter Annos  
Halberstadensis, Historiae Ecclesiasticae, Sive De Rervm  
Christianarvm Memoria, Libri X**

**Haimo <Halberstadensis>**

**Helmestadi[i], 1671**

Liber II.

**urn:nbn:de:hbz:466:1-10968**

## D HAYMONIS

## HISTORIÆ ECCLESIASTICÆ

LIBER II.

## C A P V T I.

*De Electione Matthiae Apostoli, & septem  
Diaconorum.*

**R**Estat ut de his, quæ post ascensionem Domini proximè consecuta sunt, dicamus. Mittunt Apostoli sortem, & pro Iuda traditore eligunt Matthiam. Ordinant etiam septem Diaconos, ministerii viduarum gratia, è quibus unus statim post ordinationem suam lapidatur. Propter quod & nomine suo coronatur à Domino;  $\zeta\epsilon\varphi\alpha\gamma$  enim interpretatur corona,

## C A P. II.

*De Iacobo Episcopo Hierosolymitano primo.*

**T**Vnc deinde Iacobus, frater Domini, primus Hierosolymitanæ ecclesiæ suscepit sedem, cum esset vir tutum merito, & vitæ insignis privilegio. Clemens in libro Dispositionum. Nam licet Petrus, & Iacobus, & Iohannes omnibus pene post Ascensionem Domini fuerint prælati, tamen non sibi vendicant gloriam, sed Iacobum qui dicebatur Iustus, Episcopum statuunt. Huic quippe Iacobo, & Petro, & Johanni, Dominus post resurrectionem omnem scientiam tradidit, & ipsi cæteris Apostolis; qui Apostoli ipsis lxxii. tradiderunt.

Ioan-

Duos autem Iacobos fuisse constat: unum fratrem Ioannis, alterum hunc Iustum, fratrem Domini: qui frater Domini dictus est pro eo, quod esset filius Ioseph, qui Christi quasi pater habebatur.

C A P. III.

*Quare Iacobus sit frater Domini dictus,*

H A Y M O,

*De eadem materia, secundum quod reperit in**Sententiis Patrum.*

**S**Ciunt etiam qui diligenter exploraverunt, quia Frater Domini sit dictus, tanquam cognatus sit. Hic enim mos Hebræorum, cognatos vel propinquos Fratres dicere vel appellare. Frater igitur Domini sic dictus est, quia de Maria, Sorore matris Domini, & patre Alpheo genitus est. Vnde *Iacobus Alphei* appellatur. Sed quoniam nunc se ingessit occasio de duobus Jacobis, omnem quæstionem rescindamus, & altius generis eorum repetamus originem. *Maria* mater Domini, & *Maria* mater Iacobi, fratris Domini, & *Maria* Iacobi, fratris Iohannis Evangelistæ, sorores fuerunt de diversis patribus genitæ, sed de eadem matre, scilicet *Anna*. Quæ Anna primo nupsit *Ioachim*, & de eo genuit *Mariam* matrem Domini. Mortuo *Ioachim*, nupsit *Cleophae*, & de eo habuit alteram *Mariam*, quæ dicitur in Evangeliiis *Maria Cleophae*. Porro Clephas habebat fratrem *Ioseph*, cui filiastram suam beatam *Mariam* desponsavit. Suam verò filiam dedit *Al-*

B

*pheo,*

pheo, de qua natus est *Iacobus minor*, qui & *Iustus* dicitur, frater Domini, & *Ioseph* alias. Mortuo itaque Cleopha, *Anna* tertio marito nupsit, scilicet *Salome*, & habuit de eo tertiam, de qua, desponsata *Zebedæo*, nati sunt *Iacobus major*, & *Ioannes* Evangelista. Sed jam ad Historiæ narrationis ordinem revertamur.

## C A P. IV.

**D**e Tatthæo missō ad Edessam, & de epistolis missis ab Abgaro Rege ad Christum, & à Christo ad Regem Abgarum.

**S**ub hoc itaque tempore Tatthæus à Domino mittitur ad Abgarum, Regem Edessenorum, qui eum ab ægritudine curat, & civitatem absolvit ab errore.

## H A Y M O.

Hujus rei prolixiorem in aliquo scripto reperi historiam, sed nescio si apocrypha est: Quæ quia de fidei pietate descendit, necessarium duxi eam huic operi inserere. Dicitur enim, quia de Salvatore nostro, adhuc in carne degente, cum de miraculis ejus felix ubique fama loqueretur, quod misit ad eum Abgarus Rex Edessenorum Epistolam, in qua magnis precibus rogabat eum, ut veniret ad se, & curaret eum à lepra. Dicit etiam quod ex multis annis cupierit eum videre, & ideo monet, ut veniat ad se, & se expeditat de odio Iudæorum, & habitet secum, quia haberet civitatem, quæ sufficere posset utrisque Dominus autem rescribit ad eum propria manu epistolam, in qua primum beatum illum afferit pro eo, quod credit in eum, quem non videt. Secundo

ECCLESIAE LIB. III

Cundo dicit, se per semetipsum modo non posse venire,  
quia in loco Hierosolymorum præceptum patris & obe-  
dientiam impleturus. Tertio promittit ei salutem in  
hæc verba: *Cum assumptus fuero, mittam tibi unum ex di-  
scipulis meis, qui te curabit ab infirmitate tua.*

C A P. V.

*De facie Domini lineo panno impressa.*

Dicitur etiam, quod pro desiderio præfati Regis im-  
plendo aliquatenus, Dominus faciem suam lineo  
panno impressit, & misit ad eum, ut qui in propria for-  
ma videri non poterat, saltem per impressam imaginem  
videretur. Tunc ergo Tatthæus ille discipulus, qui mis-  
sus est ad Edessam prædictam, ibi dominicam deportare  
meruit imaginem, quæ per longa ibi tempora perdura-  
vit, donec Constantinopolim, cum cæteris reliquiis, est  
asportata.

C A P. VI.

*Dispersio discipulorum Domini.*

Lapidato itaque Stephano protomartyre, discipuli o-  
mnes, exceptis duodecim, disperguntur per univer-  
sam Iudæam & Samariam; & aliqui eorum usque ad  
Phænicem, & Cyprum, & Antiochiam devenerunt. Ibi  
paucis prædicant Iudæis, non audentes se credere Iu-  
dæis vel gentibus, Saulo tunc temporis vastante eccle-  
siam,

B 2

C A P.

## C A P. VII.

*Actus Philippi Diaconi.*

**P**Hilippus, unus ex septem Diaconibus, descendit Samariam, & habuit gratiam prædicandi, ita quod Simonem Magum, apud Samaritanos tum celebrem, sua prædicatione consternit. Qui etiam ab eo suscepit baptismum, sed in dolo. Sed & Candacem, Præpositum cuiusdam Reginæ Æthiopiarum, convertit & baptisat.

## C A P. IIX.

*Vocatio Pauli Apostoli.*

**P**Er idem tempus Paulus in Apostolatum vocatur, cœlesti ad se voce delata.

## C A P. IX.

*Suggestio Pilati ad Tiberium.*

**I**nterea, cum de Domino Iesu Christo circumquaque fieret rumor, Pilatus de mirabilibus ejus & resurrectione Tiberio principi refert, & quod beatus à plurimis crederetur. Mos quippe erat apud Romanos, ut si quid novi in Provinciis accidisset, Imperatori vel Senatui nunciaretur.

## C A P. X.

*Tiberius de Christo complacatur per Pilatum.*

**T**iberius ergo monitus à Pilato, quæ compererat, refert ad Senatum. *Tertullianus.* Datum enim erat decretum, ne quis Deus ab Imperatore consecraretur, nisi à Senatu probaretur. Senatus autem sprevisse

ECCLESIAE LIB. II.

visse dicitur, quia sibi prius non fuerat delatum, sed  
authoritatem suam vulgi prævenerat opinio. Tibe-  
rius autem manet in sententia, comminatus pericu-  
lum accusatoribus Christianorum. Quo per divinam  
providentiam adversus nostros clementer agente,  
mox brevi tempore in omnem terram prædicatio  
diffunditur. Convertuntur innumeræ multitudines,  
& per doctrinam Christi, & virtutum miracula, ad Ec-  
clesias congregantur. Cornelius in Cæsarea primus,  
Petro ministrante, convertitur; in Antiochia perpluri-  
mi de gentibus credunt, ubi florentissima congrega-  
tur ecclesia per Discipulos, sub Stephano in prima per-  
secutione dispersos. In qua etiam erant Prophetici  
ordinis viri, cum quibus Paulus & Barnabas.

C A P. XI.

*De impositione prima Christiani nominis.*

Ibi primum Discipuli, imposito in fonte Baptismatis  
vocabulo, Christiani nuncupantur. Ibi & Agabus, ex  
Prophetis unus eorum, qui aderant, de fame futura  
sub Claudio prophetavit. Tiberius viginti & duobus  
annis sedit,

C A P. XII.

*Quomodo Iudeis multa mala acciderint.*

Interea Tiberius, post viginti & duos annos principa-  
tus sui, moritur. Cæsus succedit in imperio, tradens A-  
grippæ regnum Iudeorum, simul Philippo & Lisanie &  
Herodi Tetrarchias, præfato Herodi perpetua depor-  
tationis poena imposta.

B 3

HAI-

## H A Y M O.

Circa hoc tempus Iudæis multa accidunt mala, propter piaculū, quod in Salvatorem commiserunt, Cajo persequente. Ad quem *Philo*, tunc insignissimus Scriptor apud Hebræos, pro contribulibus suis Iudæis legationem suscepit, propter exortam apud Alexandriam seditionem inter Græcos & Iudæos. Ipse *Philo*, contra *Appionem*, qui erat ex parte Græcorum, potentissime purgat Iudæorum objecta; sed spernitur à Cajo, cum odif-  
set Iudæos Cajus, pro eo, quod ei neque aras, neque templæ neque imagines faciebant. Erat enim tantæ vesaniæ & præsumptionis, ut DEVM se voluerit appellari. Qui etiam templum sanctæ civitatis replens ima-  
ginibus & statuis, quod solum intactum à prophanæ re-  
ligionis contagione fuerat, commutare in templum proprij nominis ausus est, ut, proh pudor! *templum Do-  
mini*, ædes nobilissima, *Iovis & novi Dei Caji* vocaretur.  
Quæ omnia in suis libris *Philo* plenius describit; & ali-  
as innumeræ clades, ultra omnes tragicos lucus, Iu-  
dæis irrogatas esse dicit apud Alexandriam,

## C A P. XIII.

*Aetum tempore Tiberii.*

**A**t Josephus mala enumerat, quæ apud Hierosolymam eis acciderunt, & quomodo Pilatus in Hierosoly-  
mam intulit imagines Cæsaris.

**CAP.**

## C A P. XIV.

*De morte Pilati.*

Per idem tempus, cum sic ultio divina perurgeret Iudæos, Pilatum quoque, qui in morte Christi iniqui judicis officio functus est, non sinit esse impunitum. Hic ergo à Cajo multis malorum cladibus excruciatuſ, tandem propria manu se transverberans damnat in mortem.

## C A P. XV.

*De fame dira prophetata.*

Interea Cajus finem vivendi facit, post quatuor annos, nec integros: Claudius succedit, sub quo dira fames fuit, quam prophetavit Agabus. Tunc fratres Antiochiæ pro viribus suis, sanctis habitantibus in Hierusalem, necessaria transmittunt per Paulum & Barnabam, in ministerium sanctorum destinatos.

## C A P. XVI.

*De Herode Agrippa, seu Minore.*

Sub hoc tempore Agrippa, cognomento Herodes, totius Iudææ regnum obtinet. Hunc Lucas in Actibus Apostolorum Herodem nominat, Iosephus Agrippam. Hic, inquam, de crudelitate patrui plurimum retinens, persequitur Apostolos: Petrum incarcerat, & occidit Iacobum, Fratrem Iohannis, gladio. Clemens Alexandrinus.

## C A P. XVII.

*De martyrio Iacobi, fratri Iohannis.*

DE cuius passione, ut aliquid revolvamus, dicitur, quod,

quod, cum à quodam apparitorum oblatus esset Herodi ad martyrium, etiam ipse, qui obtulerat, pœnitentia ductus, motus est, & confessus, se esse Christianum. Tunc ambo pariter ducti sunt ad supplicium. Et cum ducerentur, rogavit Iacobum in via, dari sibi remissionem. At ille, parumper deliberans, *Pax tibi,* inquit; & osculatus est eum, & ita ambo capite plexi sunt. Sed adest continuo vindex Dei dextera in præfatum Herodem.

## C A P. XIIIX.

*De vindicta Dei in Herodem.*

**N**am cum postmodum apud Cæsaream, in honorem Cæsaris, spectacula faceret, arrogantissima induc-  
tus veste, mirabiliter auro & argento contexta, po-  
pulis stupentibus, ex metalli radiantis fulgore: De-  
us subito appellatur, atque, ut fiat propitius, exora-  
tur. Sed quia appellationem & fastum non repressit,  
mox percussus ab Angelo, & incredibili dolore ven-  
tris, & inflatione correptus, respiciens ad amicos: *En-*  
*ego, inquit, Deus vester, ecce percellor confessus, & detra-*  
*hor è vita.* Lucas in Actibus Apostolorum.

## C A P. XIX.

*De morte Herodis.*

**D**einde scatens vermibus exspiravit, agens septi-  
mum regni sui annum, quatuor sub Caligula, tres  
reliquos sub Claudio.

CAP.

## C A P. XX.

*De Simone Mago.*

**S**ub hoc tempore quidam Simon Samaritanus, caput totius pravitatis, & principium omnis hæresis, sub Claudio Cæsare magicis artibus & ope Dæmonum sublevatus, in urbe Roma Deus decernitur, & simulachri potitur honore, collocati inter duos pontes fluminis Tiberis, habens etiam titulum Latinis verbis, SIMONI DEO SANCTO. Sed non diu permanet, fraude divinitatis detecta.

## C A P. XXI.

*Adventus Petri in urbem Romam.*

**C**ontinuo namque in ipsis Claudii temporibus, per divinam providentiam, Petrus Apostolus fundata prius Antiochiae Ecclesia, ad urbem Romam cum honore deducitur, afferens secum ex Orientis partibus, ut cœlestis quidam negotiator, divini luminis mercimonia, si quis sit comparare paratus. Cujus magnifica auctoritate statim clarum verbi Dei lumen oritur, & Simonis cum suo authore extinguitur.

## H A Y M O.

Tantam igitur prædicandi habet gratiam, ut universorum mentes placido illustrans sermone traxerit, & Christi nomen in capite regnum celebre fecerit in brevi. Et hoc quidem pulchre divina dispositione actum est, ut ibi tanto gloriosius titulus Salvatoris erigere.

C

rigeretur, quanto contumeliosius, in initio fidei,  
spretus ibidem à Romanis fuerat ipse Salvator.

## CAP. XXII.

*Conversio Philonis.*

**E**o tempore *Philo*, Hebræorum scriptor, de quo su-  
pra memoravimus, subtilissimus, in sensibus pro-  
fundus, & affluentissimus eloquentia, copiose inve-  
niens & copiosius eloquens, Petro Apostolo prædi-  
canti adhæret: qui denique nobis in multis libris in-  
genii monumenta reliquit.

## CAP. XXIII.

*De Evangelio Marci.*

**T**unc *Marcus* sribit Evangelium, hac occasione.

Cum sola Petri auditio non sufficeret, magna cum  
audientium aviditate, magnis precibus rogant Mar-  
cum, discipulum ejus, ut prædicationem scripti com-  
mendaret memoriæ: *Clemens in Sexto Dispositionum Li-*  
*bro*. Petrus vero, ut religioso se spoliatum comperit  
furto, delectatus est, factumque confirmavit & per-  
petuo legendum ecclesiis tradidit. Postmodum verò  
Marcus hoc idem Evangelium, apud *Ægyptum* missus  
à Petro, prædicat, & primus apud *Alexandriam* leva-  
tur in Episcopum; ubi multos lucratur populos, ma-  
gnæ sobrietatis & continentiae exemplo. Interea  
*Paulo* Apostolo ab Hierusalem in circuitu, & usque  
ad Illyricum prædicante, *Claudius* Imperator Iudæos  
tumultuantes urbe depellit. Tunc *Aquila* & *Priscilla*  
cum

cum cæteris expulsis, veniunt in Asiam, ibique co-  
harent Apostolo, ecclesiæ fundamenta jacenti.

## C A P. XXIV.

*Quæ Iudæis acciderint mala.*

Tunc vero Agrippa apud Hierosolymam regnante,  
procuratore vero provinciæ Felice, Claudio adhuc  
in imperio perdurante, tanta Iudæis accidentunt mala,  
ut ipsa die Paschæ seditione exorta, de his solis, qui  
in foribus ecclesiæ constipatione populi mortui sunt,  
triginta millia computentur, ubi & Ionathas pontifex  
interficitur. Ea tempestate Ægyptius quidam Ma-  
gus, & arte Magica simulans se esse prophetam, ex  
omni parte congregans Iudæos, promittens eis li-  
bertatem antiquam, & liberationem civitatis suæ, eo-  
rum auxilio fretus, per desertum venit usque ad mon-  
tem Oliveti. Sed conatus ejus prævenit Felix, &, con-  
gressione facta cum armis, Ægyptium quidem fugat,  
alios vero vel perimit, vel capit, usque ad triginta  
octo millia virorum.

## C A P. XXV.

*Mors Claudii Imperatoris.*

Intraea Claudio tredecim annis & octo mensibus  
functo imperio, Nero suscipit principatum. Hic Fe-  
stum mittit in Iudæam, ut succedat Felici, apud quem  
Paulus causa dicta vincitus Romam mittitur, Aristarcho  
comitante, & biennium in libera manet custodia. Post  
hoc ad prædicandum dimittitur, nondum Nerone in

C 2

tanta

tanta erumpente scelera, quanta de eo narrant Historiæ: sed adhuc, dispensatione divina, clementius agente, ut interim completeretur prædicatio Pauli, & scriberentur ejus Epistolæ, vel ad personas, vel ad capita provinciarum: vel ad fidei soliditatem, vel ad decorum Evangelii, denique ad totius ecclesiæ utilitatem.

## C A P. XXVI.

*De martyrio Iacobi, fratri Domini.*

Igitur post Paulum Roman transmissum, videntes Iudei, frustratas esse insidias, quas ei intenderant, ad Jacobum fratrem Domini & Hierosolymorum Episcopum, convertuntut ad vindicandum. Tunc expetunt ab eo abnegationem Christi. At ille libera voce, coram omni populo, Christum esse filium Dei confiteatur. Tunc de pinna Templi dejectus ab impiis Iudeis, orans super genua sua, etiam pro lapidantibus, tandem fullonis vecte percussus occubuit, xxx. episcopatus sui anno. Clemens. Fuit autem ex utero matris suæ sanctus, vinum & siceram non bibt, animal non manducavit; ferrum caput ejus non ascendit; oleo non est perunctus; balneo non est usus; nec laneo in dumento indutus, sed tantum syndone. Huic soli licebat introire in Sanctum Sanctorum, ubi genua fletendo incessanter orabat, adeo ut ad modum came li callos faceret in genibus. Qui pro incredibili continentia vita, & justitia summa, appellatus est *Oblias*, id est,

id est, mūnimentum populi & justitia. Nec multo post  
oppugnatio consecuta est *Vespasiani*, ita ut & Iudæo-  
rum prudentes hanc esse causam crederent statim  
consecutæ oppugnationis Hierosolymorum, quod in  
*Jacobum* injecerint manus sceleratas, justissimum &  
omnium confessione piissimum virum, qui erat frater  
Domini, qui dicitur Christus.

## H A Y M O.

Ego vero magis opinor hoc eis contigisse, ut, quia  
in Dominum Jesum commiserunt, & quia clamave-  
runt: *Sanguis ejus super nos & super filios nostros*, tam in  
se, quam in suis successoribus, continua fere sangu-  
inis effusione punirentur. Interea *Festus* moritur apud  
Iudæam, cui successit *Albinus*, Cæsare adjudicante;  
*Albino Florus*: cuius avaritiam & luxuriam, cæteraque  
flagitia non ferentes (nam & honorabiles quosque  
flagris verberaverat, & nonnullos in sancta civitate  
patibulo suspenderat) adversum Romanos rebellant.  
Cujus rei occasione, ad debellandos Iudæos, magister  
militiæ *Vespasianus* transmittitur.

## CAP. XXVII.

*De crudelitate Neronis.*

**N**Ero, crudelissimus Imperator: qui in tantum sce-  
leris progressus est, quod & in matrem, & in fra-  
tres & uxores, & omnes sanguinis proximos, parri-  
cida existit, & incestus facit, & Christianos maxime  
persequitur.

C 3

CAP.

*De Martyrio Apostolorum Petri & Pauli.*

**E**T Petrum & Paulum, Apostolorum duces & signiferos in populo Dei, & in ipsa urbe Roma, alterū quidem gladio, alterum crucis patibulo condemnat. Et Petrus quidem capite demerso cruci figitur; quod rogavit, ne Domino videretur adæquari. *Dionysius Corinthiorum Episcopus:* Qui non divisi, vel diversis temporibus ut quidam volunt, sed simul in præfata urbe docentes, uno eodemque tempore ambo pariter, martyrio coronantur. In quorum glorioſissimo fine & laudibus nos secundi voluminis finem facimus.



D.HAY-